



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՎԱՐՉԱԿԱՆ ԱԿՏ N 1508507

ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

10 հունիսի 2020թ.

ք. Երևան
(կազմման վայրը)

Ակտի հասցեատեր

«ԳԱՅՈՒՐ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	0	9	0	1	2	7	9
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ք.Երևան, Էրեբունի Տիտոգրադյան 14/1

(անհատ ձեռնարկատիրոջ հաշվառման հասցեն կամ իրավաբանական անձի գրեկտի վայրի հասցեն)

Խախտման նկարագրությունը

ՀՀ ՊԵԿ ՀՕՀՎ պետի 30.04.2020թ-ի թիվ 1508507 որոշման համաձայն «ԳԱՅՈՒՐ» ՍՊԸ-ի նկատմամբ իրականացված օպերատիվ հետախուզական միջոցառումների շրջանակներում պարզվել է, որ 11.05.2020թ-ին ժամը 11:55-ի սահմաններում Ընկերության վարորդ-առաքիչ Գագիկ Գյոզալյանը և մենեջեր Մկրտիչ Հովսեփյանը ք.Երևան, Արին-Բերդի 14, 8/1 հասցեում գտնվող պահեստից «Ֆորդ Տրանզիտ» մակնիշի 34 OF 810 համարանիշի ավտոմեքենայով ք.Երևան, Տիտոգրադյան 2/12 հասցե են տեղափոխել 506.720 ՀՀ դրամ արժողությամբ տարբեր տեսակի ապրանքներ:

ՀՀ ՊԵԿ տեղեկատվական համակարգի ուսումնասիրությամբ պարզվել է, որ ընդհանուր 506.720 ՀՀ դրամ արժողությամբ վերը նշված ապրանքների տեղափոխման համար Ընկերության կողմից 11.05.2020թ-ին ժամը 12:10-ի դրությամբ դուրս գրված չի եղել համապատասխան հաշվարկային փաստաթուղթ:

Վերոգրյալը հաստատվել է նաև Ընկերության վարորդ-առաքիչ Գագիկ Գյոզալյանի կողմից 11.05.2020թ-ին տրված գրավոր հայտարարությամբ:

Թիվ 1508507 արձանագրությամբ 12.05.2020թ. հարուցվել է վարչական վարույթ: Պատշաճ ծանուցված լինելով վարչական վարույթին ներկայացել էր Ընկերության լիազորված անձ Վարդան Փադունցը: Վարչական վարույթի շրջանակներում Ընկերության լիազորված անձի կողմից ներկայացվել է «Էմ-Էյչ-Փի Քոնսալթինգ» ՍՊԸ-ի տնօրեն Հարություն Համբարյանի կողմից տրված տեղեկանք, որով վերջինս հայտնել է 11.05.2020թ- ին ժամը 11:48:51-ից մինչև 12:09:50-ը

գրասենյակում կապը ընդհատվել է՝ սնուցման սարքի խափանման պատճառով, կից ներկայացվել է սարքի համապատասխան հաշվետվությունը:

Ներկայացված առարկությունը վարույթ իրականացնող մարմինը հիմնավոր չի համարում հետևյալ պատճառաբանությամբ՝ ՀՀ Հարկային օրենսգրքի 56-րդ հոդվածի 1-ին մասի համաձայն կազմակերպությունը, անհատ ձեռնարկատերը և նոտարը ապրանքի մատակարարման, աշխատանքի կատարման և (կամ) ծառայության մատուցման գործարքների մասով պարտավոր են դուրս գրել Օրենսգրքով սահմանված համապատասխան հաշվարկային փաստաթղթեր: Նույն հոդվածի 3-րդ մասի 2-րդ կետի համաձայն հաշվարկային փաստաթղթերը դուրս են գրվում էլեկտրոնային եղանակով, բացառությամբ Կառավարության սահմանած դեպքերի, երբ հաշվարկային փաստաթղթերը կարող են դուրս գրվել Կառավարության սահմանած կարգով:

ՀՀ Կառավարության 05.10.2017թ-ի 1257-Ն որոշման Հավելված N3-ով սահմանված են ոչ էլեկտրոնային եղանակով հաշվարկային փաստաթղթերի դուրս գրման դեպքերը: Նշված հավելվածի 2-րդ գլխի 1-ին կետի համաձայն կապի կամ հարկային մարմնի ծրագրային համակարգի խափանման պատճառով հաշվարկային փաստաթուղթ դուրս գրելու անհնարինության դեպքում՝ Հայաստանի Հանրապետության տարածքում ապրանքի մատակարարումը (առաքումը, տեղափոխումը) պարտադիր կարգով իրականացվում է թղթային կրիչի վրա լրացված և հարկ վճարողի կողմից վավերացված (ստորագրված և կնիքի առկայության դեպքում՝ կնքված) այլ ուղեկցող հաշվարկային փաստաթղթերով, որոնք պետք է պարունակեն օրենսգրքի 55-րդ հոդվածին համապատասխան հաշվարկային փաստաթղթերում ներառվող տվյալները՝ բացառությամբ հաշվարկային փաստաթղթի սերիայի և համարի:

ՀՀ հարկային օրենսգրքի 55-րդ հոդվածի 1-ին մասի համաձայն՝ հաշվարկային փաստաթուղթը սույն հոդվածով սահմանված պահանջները բավարարող՝ հարկ վճարողի կողմից դուրս գրվող փաստաթուղթ է, որով հիմնավորվում է՝

1) ապրանքի մատակարարումից, աշխատանքի կատարումից և (կամ) ծառայության մատուցումից եկամտի ստացման իրավունք ձեռք բերելը: Սույն կետի կիրառության իմաստով՝ Օրենսգրքով սահմանված դեպքերում եկամտի ստացման իրավունքը համարվում է ձեռք բերված՝ անկախ հաշվարկային փաստաթղթի դուրս գրման հանգամանքից:

2) ապրանքի ձեռքբերման, աշխատանքի ընդունման և (կամ) ծառայության ստացման գծով ծախսի ճանաչումը:

3) ապրանքի մատակարարումը օտարերկրյա քաղաքացուն կամ քաղաքացիություն չունեցող անձին:

4) ապրանքի տեղափոխությունը:

Նույն հոդվածի 2-րդ մասի համաձայն սույն հոդվածի 1-ին մասով սահմանված գործարքների և գործողությունների փաստաթղթավորման նպատակով կիրառվում են հետևյալ հաշվարկային փաստաթղթերը:

1) հարկային հաշիվ:

2) ճշգրտող հարկային հաշիվ:

3) հաշիվ վավերագիր:

4) ճշգրտող հաշիվ վավերագիր:

5) հսկիչ դրամարկղային մեքենայի կտրոն:

6) ԱԱՀ-ի վերադարձի հարկային հաշիվ:

7) ապրանքի տեղափոխության բեռնագիր (այսուհետ՝ բեռնագիր):

ՀՀ հարկային օրենսգրքի 56-րդ հոդվածի 3-րդ մասի համաձայն՝ հաշվարկային փաստաթղթերը դուրս են գրվում էլեկտրոնային եղանակով, բացառությամբ՝

1) հսկիչ դրամարկղային մեքենայի կտրոնի, ինչպես նաև այն հաշվարկային փաստաթղթերի, որոնցում պարունակվում է գաղտնիք համարվող և (կամ) սահմանափակ օգտագործման ենթակա տեղեկատվություն:

2) Կառավարության սահմանած դեպքերի, երբ հաշվարկային փաստաթղթերը կարող են դուրս գրվել Կառավարության սահմանած կարգով:

Նույն հոդվածի 4-րդ մասի համաձայն՝ հաշվարկային փաստաթղթերը դուրս են գրվում ապրանքը մատակարարելու, աշխատանքի կատարումն ավարտելու (այդ թվում՝ ըստ պայմանագրով նախատեսված փուլերի) և (կամ) ծառայության մատուցումն ավարտելու (այդ թվում՝ ըստ պայմանագրով նախատեսված փուլերի) պահին, բացառությամբ սույն հոդվածի 8-րդ մասով սահմանված դեպքերի, իսկ բեռնագիրը դուրս է գրվում մինչև ապրանքի տեղափոխությունը:

Վերլուծելով հիշյալ իրավական դրույթները վարույթ իրականացնող մարմինը գտնում է, որ խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 2-րդ կետի բ) ենթակետի համաձայն, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ խախտման երրորդ և ավելի փաստ արձանագրվելու դեպքում գանձվում է տուգանք՝ անփաստաթուղթ ապրանքների գնի (արժեքի) 200 տոկոսի չափով, բայց ոչ պակաս մեկ միլիոն դրամից:

Տվյալ դեպքում «ԳԱՅՌՌԲ» ՍՊԸ-ի կողմից խախտումը վերջին 1 տարվա ընթացքում կատարվել է երրորդ անգամ (ՀՀ ՊԵԿ ԻՎ 08.07.2019թ. թիվ 1505664 և 02.03.2020թ. թիվ 1507431 վարչական ակտեր): Ապրանքների ընդհանուր գումարը կազմում է 506.720 ՀՀ դրամ, որի 200 տոկոսը կազմում է 1.013.440 ՀՀ դրամ, ուստի օրենսդրական պահանջից ելնելով, «ԳԱՅՌՌԲ» ՍՊԸ-ի նկատմամբ կիրառելի է 1.013.440 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել «ԳԱՅՈՒԲ» ՍՊԸ-ին գանձման առաջադրել 1.013.440 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	1.013.440	պետական բյուջե	900008000490

2. Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

ստորագրությունը

Կ.Տ.

Ստացա ակտի մեկ օրինակը

ընդամենը 4 էջ

Արթուր Մենասյանս-Ալեքսանյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հափուկ առաքման դեպքում)

ստորագրությունը

”_____” 2020թ.